

Broj: 03-2-20-594/22 J.J.

Sarajevo, 28.03.2022. godine

Na osnovu člana 17. Pravilnika o uslovima koje moraju ispunjavati pravna i fizička lica za promet fitofarmaceutskim sredstvima („Službeni glasnik BiH“, br. 51/11, 79/13), Federalno ministarstvo poljoprivrede, vodoprivrede i šumarstva r a s p i s u j e

**JAVNI POZIV
ZA PRIJAVU USTANOVA ZA VRŠENJE OBUKE OGOVORNIH LICA ZA PROMET
FITOFARMACEUTSKIM SREDSTVIMA
NA TERITORIJI FEDERACIJE BOSNE I HERCEGOVINE**

I PREDMET JAVNOG POZIVA

Predmet Javnog poziva je prikupljanje prijave ustanova zainteresovanih za vršenje obuke odgovornih lica za promet fitofarmaceutskim sredstvima na teritoriji Federacije Bosne i Hercegovine.

II PRAVO NA PODNOŠENJE PRIJAVE

Pravo na podnošenje prijave po ovom Javnom pozivu imaju ustanove koje ispunjavaju uslove iz člana 16. Pravilnika o uslovima koje moraju ispunjavati pravna i fizička lica za promet fitofarmaceutskim sredstvima („Službeni glasnik BiH“, br. 51/11, 79/13), (u daljem tekstu: vršioци obuke) i uslove propisane ovim Javnim pozivom Federalnog ministarstva poljoprivrede, vodoprivrede i šumarstva (u daljem tekstu: Federalno ministarstvo).

III USLOVI

Obuku odgovornih lica provode vršioци obuke koji ispunjavaju sljedeće uslove:

- a.) da imaju ili mogu osigurati najmanje tri predavača;
- b.) da su registrovani za djelatnost visokog obrazovanja u oblasti zaštite bilja;
- c.) da mogu osigurati odgovarajuća tehnička i nastavna sredstva za teorijske i praktične obuke;
- d.) da mogu osigurati odgovarajuće prostorije i opremu za provođenje teorijske i praktične obuke;
- e.) da mogu osigurati štampane materijale za učesnike;
- f.) da mogu osigurati popis ispitnih pitanja za provjeru znanja iz sadržaja obuke;
- g.) da mogu organizovati obuku najmanje dva puta godišnje sa ispitnim rokom;
- h.) da mogu osigurati odgovarajuću opremu i vođenje evidencije obuke, položenih stručnih ispita za odgovorna lica i provjera znanja, te izdatih certifikata o stečenom znanju.

Predavači iz tačke III a.) moraju biti stručnjaci iz oblasti zaštite bilja i trebaju ispunjavati sljedeće uslove:

- da imaju najmanje VIII stepen obrazovanja iz oblasti odgovarajućeg univerzitetskog programa;
- da imaju preporuke ili izvještaje o provođenju sličnih obuka;

- da imaju objavljene stručne radove u posljednjih pet godina iz oblasti zaštite bilja.

IV NEOPHODNA DOKUMENTACIJA

Podnosioci prijave na ovaj Javni poziv moraju dostaviti sljedeću dokumentaciju kao dokaz o ispunjavanju uslova:

1. Rješenje o registraciji kod mjerodavnog organa
2. Izjava ili drugi dokaz kojim se potvrđuje ispunjenost uslova iz tačke III. od c) do h) ovog Javnog poziva.

Za predavače:

3. Diploma ;
4. CV/ pisma preporuke /lista referenci;
5. Lista objavljenih radova.

V ODABIR

Odabir vršioca obuka vršit će posebna Stručna Komisija koju imenuje federalni ministar poljoprivrede, vodoprivrede i šumarstva (u daljnjem tekstu: federalni ministar).

Prije donošenja konačne odluke o odabiru, Komisija zadržava pravo zatražiti od podnosioca prijave dodatna pojašnjenja podnešene prijave, provjeru ispunjenosti propisanih uslova na licu mjesta, kao i pravo odbijanja pristiglih prijava.

Komisija razmatra prijave pristigle na osnovu Javnog poziva, cijeni ispunjenost uslova za odobravanje istih, sačinjava zapisnik s obrazloženom ocjenom i mišljenjem, te isti dostavlja federalnom ministru na konačno odobravanje.

VI NAPOMENA

Svi dokumenti koji se predaju uz prijavu, kao dokaz o ispunjavanju uslova učestvovanja, moraju biti originali ili ovjerene kopije, ne starije od tri mjeseca.

Federalno ministarstvo ne snosi nikakve troškove podnosioca prijave nastale sačinjavanjem i predajom prijave.

Rok za podnošenje prijava je 30 dana od dana objave Javnog poziva u dnevnoj štampi.

Sve prijave dostavljaju se s naznakom „JAVNI POZIV Vršioci obuke - Ne otvarati” na adresu:

**Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
Ul. Hamdije Čemerlića broj 2
71 000 Sarajevo**

Sve dodatne informacije vezane za Javni poziv, mogu se dobiti svakim radnim danom od 10:00 –14:00h putem kontakt telefon: +387 (0)33 726-690 ili putem e-maila: info@fmpvs.gov.ba.

MINISTAR

mr. sci. Šemsudin Dedić